



**Claudii Fleurii Abbatis Historia Ecclesiastica**

Ab Anno Christi 1248. Usque Ad Annum 1276

**Fleury, Claude**

**August. Vind. [u.a.], 1765**

**VD18 90118243**

§.6. S. Ludovici profectio.

---

[urn:nbn:de:hbz:466:1-66255](#)

paucos egerat. Quadraginta miracula Sæcul.XIII.  
post Deum ejus precibus adscripta refert. A.C.1270.  
Anno 1521 Papa Leo X permisit, ut eam  
Longo-Campenses tanquam Beatam co-  
lerent.

## §. VI.

*S. Ludovici profectio.*

**E**odem mense Februario an. 1270 Rex Ludovicus testamentum suum composuit potissimum ex piis legatis. Ibi libros suos donat Parisiensibus Dominicani Fratribusque Minoribus, Abbatiae Regiomontanæ ac Dominicanis Compediensibus. Certas pecuniæ summas tribuit ingenti cœnobiorum domuumque hospitium numero: & inter monachos Parisinos nominat Carmelitas, Guilielmus Montis Rubri, ac Eremitas S. Augustini. Largitur etiam pauperibus scholasticis ad S. Thomam, in Lupara, ad S. Honorium, & apud Juvenes Bonos, sic per antiphrasim dictos, revera prodigos. In egena possessionum suarum templa distribuit, unde ornamenta & calices emant. Jubet pensiones porro exfolvi hominibus sacro baptisme tintis, quos e transmarinis advexit locis; nimirum ethnicis, quos Christo adjungi curaverat. Testamenti hujus executionem demandat Stephano Episcopo Parifino, Philippo electo Episcopo Ebroicensi, Abbatibus ad S. Dionysium & Regiomontano ac duo-

Joinv.  
obser.p. 401.Duchesnep. 438.Duboultæp. 392.

**Sæcul. XIII.** bus e suis Clericis. Actum mense Februario an. 1269 nempe 1270 ante Pascha. Mense Martio sequente Rex cuncta beneficia regiae possessorum nominationi obnoxia, quæ per absentiæ suæ temporis intra juris regii dies, aut alio modo vacarent, conferendi copiam Episcopo Parisino fecit ea lege, ut hic Ecclesiæ Parisiensis Cancellarium, Priorem Dominicanorum, & Franciscanorum Guardiam, ut vocant, in consilium adhiberet. Regni denique administratores Rex Matthæum Abbatem ad S. Dionysium, & Simonem Claromontanum Neellæ Domini designavit.

**Labbe**  
**Meslan.**  
**p. 662.**  
**Duchesne**  
**p. 384.**

Die Veneris 14 Martii ad S. Dionysii templum delatus, ibi crumenam Zonariam & baculum viatorium longiore manu Legati Radulphi Episcopi Albanensis, & flammeum Galliæ vexillum de altari accepit. Tum monasterii senaculum ingressus in ultimo sex graduum ad sellam Abbatis confidebat, seque ac liberos suos in monachorum preces commendavit. Postero die sabbati e palatio suo ad Parisinum Dominæ Nostræ templum nudis ibat pedibus, eam illic ultimo salutatum. Comites habebat filium suum Petrum Alenconii Comitem pariter nudatus incedentem pedibus, filium natu maximum Philippum, Robertum Artesiæ Comitem nepotem suum, pluresque alios.

Iter

Iter ingressus, cum Pascha hoc anno 1270 Sæcul. XIII.  
in decimum tertium Aprilis incidens A.C. 1270.  
Cluniaci egisset, Lugduno, Vienna, & Be-  
licadro ad portum Aquimortanum, qui  
locus ad conveniendum edictus fuerat,  
peruenit. Pentecostes die, qui primus  
Junii erat, Fani, S. Egydii celebrato, Ge-  
nuensium naves se cum suis transvectu-  
ras usque ad mensis exitum expectavit.

Priusquam discederet, Abbatii ad S. Spicit.  
Dionysium ac Neellæ Domino scripsit, ut <sup>to. 2. p. 548.</sup>  
impia in Deum cælitesque verba cæte-  
raque mali exempli crimina & lupanaria  
tollerent. Dabat 25 Junii. Die Martis Duchesne  
1 Julii, cum adfuisset sacro, prima luce <sup>p. 385.</sup>  
Aquis-mortuis navem conscendit. Po- Spic. p. 550.  
stridie vela dabantur: eratque prospera  
primum navigatio: sed nocte Dominicam  
inter ac lunæ diem horribilis orta tem-  
pestas est. Igitur mane quatuor liturgiæ  
canebantur, prima de B. Virgine, altera  
de Angelis, tertia de Spiritu Sancto, quar-  
ta pro vita functis. Die Martis 8 Julii ve-  
nerunt in conspectum Calaris Sardiniæ  
urbis primariæ, ubi aquam dulcem, quæ  
deerat, & cibaria, sed ægerrime maximo-  
que pretio sibi comparabant, quia urbs  
ad Pisanos Genuensium inimicos pertine-  
bat. Galli stimulabant Regem, ut di-  
ruendo locum poenas de illis sumeret.  
At ipse negabat se venisse arma Christia-  
nis illatum.

Mm 5      §. VII.